

Broj:02-05-283/16

Lukavac, 29.03.2016. godine

Na osnovu člana 64. stav (1). tačka b), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj:02-05-283/16 od 29.03.2016. godine u otvorenom postupku javne nabavke za asfaltiranje parking prostora između ulica Titova, Branilaca Bosne i Armije BiH-LOT1 Općinski načelnik donosi

O D L U K U **o izboru najpovoljnijeg ponuđača- LOT 1**

Član 1.

Prihvata se preporuka Komisije za provođenje postupka javne nabavke broj: 02-05-283/16 od 29.03.2016. godine i Ugovor za javnu nabavku radova za asfaltiranje parking prostora između ulica Titova, Branilaca Bosne i Armije BiH-LOT 1 dodjeljuje se ponuđaču „RIAL-ŠPED“ d.o.o. Doboj I tok, ponuda broj: 16/16 od 29.02.2016. godine, za ponuđenu cijenu u vrijednosti od 98.833,69 KM bez PDV-a, kao najpovoljnijem ponuđaču.

Član 2.

Izabrani ponuđač je u sastavu ponude uz uredno popunjenu Izjavu za član 45. ZJN dostavio i dokumentaciju iz člana 45.stav (2) tačka od a) do d) Zakona o javnim nabavkama BiH, uz Izjavu za član 47. ZJN dostavio ovjerenu potvrdu traženu tačkom 13.2.2.a) Tenderske dokumentacije i uz Izjavu o ispunjenosti uslova iz člana 51. ZJN-a dostavio ovjerenu listu osiguranih lica traženu tačkom 13.3.4 Tenderske dokumentacije, te se oslobađa obaveze naknadnog dostavljanja dokaza.

Član 3.

Prijedlog ugovora o nabavci dostavit će se na potpis izabranom ponuđaču nakon isteka roka od 15 (petnaest) dana, računajući od dana kada su svi ponuđači obavješteni o izboru najpovoljnije ponude.

Član 4.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-02-1-282/16 od 17.02.2016. godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 120.000,00 KM.

Obavještenje o nabavci broj: 719-1-3-14-3-11/16 objavljeno je na Portalu javnih nabavki dana 18.02.2016. godine.

Komisija za provođenje postupka nabavke imenovana Rješenjem broj: 02-05-349/16 od 02.03.2016.godine dostavila je ugovornom organu-općinskom načelniku Zapisnik o pregledu i ocjeni

ponuda broj:02-05-283/16 od 29.03.2016. godine, Preporuku o izboru najpovoljnijeg ponuđača broj:02-05-283/16 od 29.03.2016. godine i Izvještaj o radu broj:02-05-283/16 od 29.03.2016. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene šest ponuda;
- da su blagovremeno primljene šest ponuda;
- da nije bilo neblagovremeno primljenih ponuda;
- da su ponude ponuđača RIAL-ŠPED d.o.o. Doboj Istok, TRANSPORT I MEHANIZACIJA d.o.o. Gračanica i Bašanović d.o.o. Lukavac kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

Na osnovu uslova i zahtjeva iz tenderske dokumentacije vezanih za oblik, sadržaj i potpunost ponuda odbacuje se ponuda ponuđača „**GEO-PUT**“ d.o.o Maglaj. Isti je u Obrascu za cijenu ponude pod rednim brojem 10. „Nabavka, transport i ugradnja slivničkih rešetki za teški saobraćaj“ na strani 3. ponude korektorom izvršio ispravku upisane cijene u koloni „Jedinična cijena u KM bez PDV-a“. Navedeni ispravljeni podatak nije potvrđen potpisom ponuđača i nije unešen datum izvršene ispravke, što je protivno članu 18. stav 1. tačka m) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) i tački 14. stav 10. tenderske dokumentacije. Daljim pregledom iste ponude utvrđeno je da pod rednim brojem 13. „Nepredviđeni radovi u iznosu od 2%“ na strani 4. ponude nije popunjen iznos nepredviđenih radova u iznosu od 2% , što je protivno tački 17. stav 2. tenderske dokumentacije. Zbog naprijed navedenog Komisija je ponudu u skladu sa članom 68. stav 4. tačka j) Zakona o javnim nabavkama odbacila.

Na osnovu uslova i zahtjeva iz tenderske dokumentacije vezanih za oblik, sadržaj i potpunost ponuda odbacuje se ponuda ponuđača „**DOBOJPUTEVI**“ d.d. Doboj Jug. Isti je u Obrascu za cijenu ponude pod rednim brojem 12.2. „ Isprekidana linija d=12 cm“ na strani 53. ponude korektorom izvršio ispravku upisane cijene u koloni „Ukupan iznos u KM bez PDV-a“. Navedeni ispravljeni podatak nije potvrđen potpisom ponuđača i nije unešen datum izvršene ispravke, što je protivno članu 18. stav 1. tačka m) Uputstva za pripremu modela tenderske dokumentacije i ponuda („Službeni glasnik BiH“, broj 90/14 i 20/15) i tački 14. stav 10. tenderske dokumentacije. Daljim pregledom iste ponude utvrđeno je da pod rednim brojem 13. „ Nepredviđeni radovi u iznosu od 2%“ na strani 54. ponude nije popunjen iznos nepredviđenih radova u iznosu od 2%, što je protivno tački 17. stav 2. tenderske dokumentacije . Zbog naprijed navedenog Komisija je ponudu u skladu sa članom 68. stav 4. tačka j) Zakona o javnim nabavkama odbacila.

Na osnovu uslova i zahtjeva iz tenderske dokumentacije vezanih za oblik, sadržaj i potpunost ponuda odbacuje se ponuda ponuđača „**S.E-SARAJKA**“ d.o.o. Živinice. Isti u Obrascu za cijenu ponude pod rednim brojem 13. „Nepredviđeni radovi u iznosu od 2%“ na strani 34. ponude nije popunio iznos nepredviđenih radova u iznosu od 2% , što je protivno tački 17.stav 2.tenderske dokumentacije. Zbog naprijed navedenog Komisija je ponudu u skladu sa članom 68. stav 4. tačka j) Zakona o javnim nabavkama odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 120.000,00 KM i da je kriterij za dodijelu ugovora najniža cijena.

Ponuđač „RIAL-ŠPED“ d.o.o. Doboj Istok dostavio je prihvatljivu ponudu sa cijenom u iznosu od 98.833,69 KM bez PDV-a.

Iz navedenih razloga, primjenom člana 64. stav (1) tačka b) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.



OPĆINSKI NAČELNIK
Dževad Mujkić, dipl. prav

Dostaviti:

1. RIAL-ŠPED d.o.o Doboj Istok
2. GEO-PUT d.o.o. Maglaj
3. BAŠANOVIĆ d.o.o. Lukavac
4. TRANSPORT I MEHANIZACIJA d.o.o. Gračanica
5. DOBOJPUTEVI d.d. Doboj Jug
6. S.E. SARAJKA d.o.o. Živinice
7. Evidenciji i
8. Arhivi.-